

廣州

地 110. 23

1539

1

延慶州鄉土志例言

一 是編悉遵 部頒鄉土志例目編輯每章按例目指定次序以清界限而醒眉宇

一 是編為采輯教科書之參考書故篇幅段落不必整齊而事實必求詳核

一 例目著舊錄附鄉賢祠旁注忠義節烈祠附入茲將節孝祠祀有事實者一併附入以備參考

一 地理為鄉土志緊要學科故將全境之形勢首繪總圖次山水次分區詳細填注以便稽考

一 州境在漢為上谷郡居庸夷輿二縣歷查舊志古蹟僅載其方向而故城究在今之何地均未注明一再采訪無蹟可據故於圖內悉付闕如

一 是編悉雇書手鈔錄間有簡筆俗字尚待較正

編者識

延慶州鄉土志要略

歷史

本境建置年代

延慶州建自明永樂十二年文皇帝巡狩北邊駐蹕團山

在州治東距城三十里西望沃野羣山環峙為神京屏蔽因命趙珩建

州於沽之東媯之北名隆慶州珩為禮部尚書洪武中進士

距城三里餘媯水在城南半里許詳水志至穆宗隆慶元年避年號改名延慶州

明史地理志

未置本境以前 歷代所屬及名稱沿革

唐屬冀州域 地理今釋冀州北抵陰山西起東受降城東之北迄大遼水

虞屬幽州域 虞書傳中古但為九州及舜即位分冀北翳無閭之地為幽州通典周禮職方氏東北曰幽州

其山曰翳無閭 註山在遼東

夏屬冀州域 爾雅疏禹貢九州有青徐梁而無幽并營故州境隸冀州

商屬幽州域 通志歷代分畛商湯受命亦為九州分統天下註冀荆豫雍揚兗徐幽營按商有徐幽營而無

青梁并故州境 在商屬幽州

周屬幽州域 通志歷代分畛至成王時亦曰九州屬職方氏揚荆豫青兗雍幽冀并按周有青幽并而無徐

梁營故州境 在周屬幽州

戰國屬燕 戰國策西有上谷代郡燕元和志上谷郡故城在媯川縣按媯川縣即今州境



秦屬上谷郡地史記秦分天下為三十六郡有上谷郡

漢屬上谷郡漢書地理志上谷郡領縣十五置居庸夷與二

城在州東

後漢為居庸縣屬幽州上谷郡大清一統志夷與縣後漢

書郡國志上谷郡領縣八有居庸縣

晉為居庸縣屬幽州上谷郡晉書地理志上谷郡統縣二沮

陷於石勒慕容儁苻堅後入於魏

後魏為居庸縣屬東燕州上谷郡魏書地形志上谷郡孝昌

北齊為懷戎縣地之東北境屬北燕州北齊時居庸沮陽併

懷戎北齊置屬北燕州領長寧永豐二郡後

周去北字開皇初郡廢隋大業初廢北燕州

北周為懷戎縣地屬燕州見上

隋為懷戎縣地屬涿郡遼史隋廢北燕州改懷戎屬涿郡

唐初為懷戎縣地東境繼為媯川縣屬媯州之媯川郡按唐

戎縣有大小翻山則沮陽居庸并入懷戎矣新唐書地理志

媯州本北燕州武德七年平高開道以幽州之懷戎縣置縣

一即媯川縣舊唐書地理志貞觀八年媯川郡改名媯州天

寶元年改為媯川郡新唐書地理志析懷戎置媯川縣尋廢

按媯州今州西南懷來縣榆林驛媯川縣故城在州西北

唐末為縉山縣屬儒州文獻通考儒州唐末置領縣一縉山

十里又按舊縣係團山屯順風屯之總稱據該處觀音寺明萬曆時碑記云團順二屯即古之縉山縣也

後唐隸新州 續通典同光二年置威塞軍節度以媯儒武三州隸之

後晉為縉山縣屬儒州 通鑑天福元年以雲燕十六州賜契丹自是淪沒者四百二十二年

遼為縉山縣屬西京道奉聖府儒州 遼史地理志儒州唐置後唐同光二年隸新州

太宗改奉聖州又按元豐九域志化外州下儒州領縣一晉山縉作晉

金為縉山縣屬西京路德興府 金史皇統元年廢儒州以縉山縣屬德興府郡國利病書

罷州為縉山縣取縣北縉山為名又按金史崇慶初升縉山縣為鎮州置鎮州防禦使

元為縉山縣屬大都路奉聖州旋為龍慶州 元史地理志唐為媯川金為縉

山至元三年省入懷來五年復置屬宣德府奉聖州仁宗延祐三年九月割上都宣德府奉聖州懷來縉山二縣隸大都路改縉山縣為龍慶州

帝生是縣特命改焉

明初為隆慶州屬北京行部 明史地理志志本元龍慶州洪武初屬永平府三年三月屬北

平府尋廢永樂十二年置隆慶州屬北京行部

既置本境以後 歷代所屬及名稱沿革

明永樂十三年隆慶州屬北京行部領永甯縣 明史彙永樂十三年分縉

山縣地置永甯縣屬隆慶州按永甯在縉山縣故城東南十五里

明永樂十五年隆慶州屬宣府鎮 畿輔舊志永樂十五年於永甯縣置永甯衛屬宣府

鎮

明永樂十八年隆慶州直隸京師 明史地理志

明隆慶元年為延慶州直隸京師 皇朝通典直隸明以順天府為京師共領八府二

州保安州
延慶州

國朝為延慶州屬直隸省宣化府畿輔舊志延慶州初屬宣府鎮

統志順治十六年併縣入永寧衛畿輔舊志康熙三十二年併衛入州屬宣化府按宣府鎮即以是年改為宣化府

乾隆二十六年併延慶衛於延慶州府志穆宗隆慶元年詔

慶三衛為延慶三衛按延慶三衛一徙懷來一徙永寧一併

於州至今州人有延慶永寧二衛之說皆緣於此續通典宣

德五年徙隆慶右衛治懷來方輿紀要宣德五年徙隆慶左

衛於永寧縣大清一統志延慶衛在居庸關於乾隆二十

六年併

入州

政績錄

興利

唐韓夢殷幽州安次人以文學知名昭宗乾寧元年為儒州刺史值歲饑饉疾癘設策賑濟醫療百姓賴以安全嗣後整紛別蠹恩煦信孚勸農桑興教化儒州大治

永寧縣志
參遼史

遼韓德威遼西南面招討使匡嗣之子也性剛介善馳射景宗保寧初為儒州防禦使綽有謀畧深明治體常曰務農講武二事使首務也部卒能服習者旌之其貧不能田弱不能戰者亦助給之訓練勸誘於是部卒感悅如愛父母然

舊志
參遼

史

明趙珪字漢雲河南人洪武中進士累官禮部尚書永樂十二年帝巡邊顧隆慶保安川原歎曰二州民內徙至今尚皆荆棘耶因遷內郡人來實且詔珪經理之珪至分撥土田創造屋舍定立市廛開導藝植皆躬自履歷措置有方三四年間士庶安輯商旅交至遂成都會之區二州人頌德焉十六年詔入為兵部尚書祀名宦

萬歷志

薛祿山東人永樂中以軍功拜左都督晉封陽武侯宣德初佩鎮朔將軍印鎮守宣府五年三月奉命統兵至永寧相地

度勢為之築城鑿池民咸德之祀名宦

永寧縣志

胡思仲號充寰南直績溪人任山東按察使管懷隆道事會見延境山川秀麗值北邊受盟武備漸弛雖屢申飭空文無補深切隱憂乃相地勢調遣官軍開稻田以裕民生修樓堡以保民命規畫心勞保釐多偉績焉祀名宦

張經世號翼明陝西渭南人駐節懷隆懷保延永諸衛延境濕下瘠薄較諸衛獨苦深切憂卹力洗繁華以躬倡司牧寬刑興學課樹藝禁枉告株連民皆德之

已上俱舊志

胡維寧字綱灤州人隆慶左衛鎮撫自少沈勇絕倫從高帝將

兵每戰為軍鋒冠以功授鎮撫維習地形相度險隘增築塞垣邊備有倫居恒喜讀書所繪火器圖行世後卒於官子孫

襲職因家永寧焉

州志採訪

張宣山東濟南人宣德中任永寧縣尹開創學校始興人文

永寧縣志

胡連河南湯陰人景泰初來任時驚潰之民始復業迺修城池以捍外患建倉庫以廣儲蓄民皆賴撫綏焉祀名宦

成化志

耿繼武山東沂水人萬曆中轉餉上谷遂遷守茲郡公至即進諸父老詢問閭閻疾苦旦夕孜孜為之興利會見南山之麓

可耕准民間墾課以種植三年成田二百頃自正統己巳變
後敵首日猖獗嘉隆間躡擾頻仍虔劉焚掠州治岌岌公乃
完墉濬塹繕堡崇臺與民列屯固守民感公德枕戈敵愾諸
首憚之堅守要束不敢竊延慶一瓜果在任五年尋擢貳延
安父老子弟聞公行如失慈父母攀留不得為之刊碑紀德
政焉

州志並節
德政碑

宋雲霄號霽震山東淄川人萬曆四十一年由舉人授本州
牧謙和廉介留心民瘼時值邊患甫平延民瘡痍未痊於是
課農務興學校伸冤枉折朋奸種種善政遠近稱頌焉稔知

均徭稅糧素為延民苦累乃於力差則優老卹幼使壯者各
當其役於銀差則不令收支里長乾沒一文民間歲省千餘
金征收稅糧不取羨餘民間歲省二千餘石禁止迎春賽秋
俗省侈費千金教民紡織種蓋興從古未有大利又如開水
田勘災傷必躬親田畝勞瘁不辭團練鄉兵造冊置旗悉捐
俸措辦不取民一毫尋以循政加府銜管州事操存益慎恤民
隱益殷庶務益曲當自設州二百年來不常有也

節錄州
志列傳

國朝張繼聖字開來江都人雍正五年以京營守備出守靖安堡
異績卓著擢永甯路都司甫駐節即整飭營務撫循士卒百

廢俱興永甯為營盤口要路小民每載柴炭木植為生計前
因事禁不得出入民失業多偷越被逮繼聖廉知其情詳請
弛禁永民稱便永蘊為縣治學宮久圯繼聖乃與永之紳士
經營相度勸勉樂輸多士頌之嘗延名士於署中聚文武生
童講習學業文風由此興起歿之日永人奔奠者不絕於道
乾隆

志

吳增嘉浙江歸安人道光五年以進士知州事寬厚廉靜緩
差徭惜民力歲遇荒歉捐穀濟民又倡捐書院經費酌立章
程尋調任昌平後以公務過州猶名耆老而詢悉疾苦民皆

感之

王榕吉字蔭堂山東長山進士道光二十六年來知州事明
敏諳練勤恤民隱凡有詞訟剖決如流公餘赴書院與諸生
論文講藝不倦州之護城河久湮塞令紳商經理疏濬引城
西之水入濠以資灌溉沿隄植柳千株後歷官方伯猶日注
念州民常寄金州紳培植柳株云

採訪

李葆貞字廉夫湖北松滋人由供事累陞知州同治十二年
季冬署州任甫下車軫念病涉捐廉重建廣濟橋以便行人
又以冠山書院講堂及旁舍年久荒涼不蔽風雨遂督紳增

修以庇寒士不數月內外改觀至今賴之

褚璿字文軒湖北江夏舉人光緒五年署州任訪悉州境瘠苦有志寒儒艱於進取因創籌賓興費嘉惠士林自是領鄉薦者接踵焉

採訪

周文藻字芸田浙江人光緒二十八年秋七月署州任持重識大體甫下車特邀永寧池袁二紳舉辦學務時值庚子亂後民力彫敝於是妥籌學款不事捐募創建高等小學堂以開風氣之先城鄉小學以次設立改廢寺為工藝局貧寒子弟得以習藝謀生民教甫安時虞伏莽置練勇局以資保衛

偵知劉斌堡民人勾通賊匪躬往誘而擒之宵小為之斂迹明年九月解組以循政擢委京張鐵路收發局要差旋於三十三年秋八月特授知州事適禁煙令嚴亟立戒煙局延民有煙癖者紛來戒絕又以巡警未諳警律特設巡警傳習所即前練勇局為之基礎也勸民廣植樹木逾年報到成活者十餘萬株城南雉水泛溢不由橋孔行人病之乃為捐修隄障督工興作日必躬親公餘仍注意教育留心工藝士民屬望焉

劉鳳鑣字權之山東福山舉人光緒二十九年十月知州事

值教育萌芽風氣未開設算學館閱報處研究所半日學堂
施醫局復興學正常書雲議設初等公立學堂城中子弟獲
益匪淺增設木器等工藝學徒三十餘人督飭紳董栽種楊
柳等樹成活二萬二千餘株勸民栽種楊柳等樹成活六萬
餘株猶復勤加講求設種植局栽種桑秧成活一萬餘株在
任精勤耐勞事必躬親旋於三十一年正月告艱去治績未
竟有餘憾焉

樊海瀾字紫菴河南禹州進士光緒三十一年夏四月署州
任深沈有大度蒞事不事鋪張嘗以振興教育為第一要務

初級師範尤所宜先顧念款不易籌捐廉創設師範傳習所
以造初師又以鄉民罔識時艱往往於教育前途暗生阻力
捐廉創設宣講所每星期宣講二次屆期必敦請同寅講員
及闔城紳民赴所聽講躬先倡導環聽者日益增多風化所
及鄉民始悟教育為生利之源於是添修講堂聘請教員四
鄉小學為之改觀至如訟獄則聽斷詳審民無冤抑而工藝
巡警逐漸釐正未逾年以告艱去輿論惜之

鄭思壬字淵如江蘇吳縣人光緒三十二年夏四月署州任
恤士愛民尤熱心學務設立初等模範學堂為四鄉則儆安

籌經費創設勸學所分區勸導立教育會以取決公評優禮
學生多方獎勵自是初等小學堂增至五十餘處又整頓工
藝捐廉津貼局中學徒仿織寬面洋布絲帶等料紋縷細緻
花樣翻新遐邇爭購下忙徵收稅糧私毫不許書差浮冒傳
集各七堡村正勸於各村附近隙地自栽樹木否則由官代
栽其樹即為公產由是村人紛紛栽種成材頗多旋於三十
三年秋八月調署邯鄲已上見聞
去害

唐桓彥範丹陽人聖歷初突厥默啜寇媯州彥範巡行邊塞

度居庸等地後肅靖內難舊志參唐書

明孫剛宣化前衛人以功遷都指揮守備永甯正統中敵陷
獨石馬營剛率兵往援遇敵數萬騎猝至剛大呼陷陣死都
知監谷春衛指揮向通王敬張澄同死之事聞予祭廕後葉

盛奏建義烈祠祀之大清一統志

王敬字子修隆慶右衛人性亮直孤介行不類己者雖貴勿
與交初為指揮同知與永甯指揮張澄同舉於學正李英居職並以廉潔稱正

統己已寇犯雲州隨守備孫顯俱死澄欲得殺三人者力戰
不退隨亦被害是役也吏民父子夫婦死難顯名者九十餘

人俱賜卹典參正葉盛奏建義烈祠祀之宣鎮志

徐珏涿鹿人以武舉充本城參將嘉靖十六年敵犯連家營

珏勦之去增修墩堡後以賢能陞總兵其麾下頭目官有安

國者敗敵於花園屯敵畏遂遠遁不入境乾隆志

辛柱山西石州舉人授隆慶州知州嘉靖十二年賊張雄與

僧人悟性者結庵隆慶之青風若州人劉百川趙天祿輩尊

禮之聚眾既多遂謀不軌雄衣黃出鐵印署百川輩偽職謀

潛使人約寇柱及守備邱陵聞變使軍人徐龍往從之潛應

遂擒雄等送鎮伏誅兩鎮三關志

雲棟高唐州人知永寧縣事卹災為民去後咸思之不忘永寧志

縣志

陳其愚登州人嘉靖中由府倅陞任州事器宇豐偉資性耿

介不屈甫下車問民疾苦者刑薄斂時兵燹後使節交馳一

時供億百出公為措置民間得不擾當道文移有不便於民

者輒停罷不報大司馬檄邊城浚濠獨延慶未浚案臨面謹

公曰邊事誠亟延氏值水潦困窮僵卧滿目嗥號盈耳且當

冬初救死且不暇尚可役使耶司馬語塞既而曰州守知時

務矣嘗題其門曰調停邊郡從清約休息殘民是作為蓋不

欲以賢能表見也有里長吳姓者詈里民至毆不已民以手
格之誤傷吳一目法當擬徒公廉得其情諭吳民誤傷汝當
罪汝無故凌虐平民罪尤甚焉俱從末減乃釋吳民擬杖士
民咸感吳亦悅服在任政善民安治法稱最祀名宦 乾隆志
參本傳

遲諒山東人嘉靖中由例貢授本州吏目值北邊犯順多方

保障有功未叙士民惜之 乾隆志

趙爾守字守身陝西藍屋解元個儻偉達慷慨豪俠為萬曆
時永寧縣尹備義庾平徭役節里長蠲逋負葺廨舍以慎關
防懲僧胥以褫舞文禁梟盧以息奸宄驅逐倚市以滌淫俗

發掘盜藪以弭草竊詰偵細以防窺伺刑巫覡以止邪術達

肺石以白冤滯民間疾苦無不破格力除祀名宦 永寧縣志
參去思碑

湯勇任四海治守備嘉靖中數被外患勇命旗牌官陳大齡

招敵頭目諭以利害指意剴切敵伏首受盟降為屬下 永寧
縣志

解生宣府山後人任永寧參將驍勇有謀略萬曆十六年率

家丁六十餘人直搗敵窟斬級四十顆官兵無一損者敵皆

畏服不敢萌異志後陞遼東陣亡於牆子嶺奉諭祭蔭一子

入祀褒忠祠 同上

楊惟相江西豐城人號羅巖萬曆時知州事永藥禔躬推誠

待物鋤奸剔弊吏畏民懷陞刑部員外郎民為立祠刊去思
碑誌其略云思肅稽倉庫而弊蠹潛消思緩徵減稅而毫芒
不加思弭盜有方以嚴行保甲思除害有方以懲治枉告思
發奸有方以禁止投獻思革徵有方以蠲免驢頭思抑勢有
方以杜皇莊軍餉常思其能重兵馬常思其能查器械常思
其能整詞訟常思其能簡覩倉場之修未有不思其積儲無
虞而軍民永賴者覩邊工之築未有不思其金湯壯麗而皇
圖鞏固者覩節烈之旌死亡之恤未有不思其風勸百世澤
及枯骨者此其謨一何周仁一何深哉

乾隆志

桂一枝為周四溝操守豪俠有謀善馭敢敵掾資盡給公賚
易箚日囊無半金參將張深憐之為備棺以葬軍民聞之有

流涕者

永甯縣志

黃明臣九江人以千戶充永甯參將才智通明性稟忠義泣
政八載增城堡搜捕數盜以勛望陞昌平總兵去軍士肖像
尸祝之祀名宦

永甯縣志

國朝宋永清漢軍正黃旗人蒞任州牧循良茂績卓卓有聲州城
東南臨媯河夏日靈雨山水暴漲嚙城趾永清議借旗圈地
濬水南行遠城里許復樹隄以障衝決康熙五十四年

賜匾獎勵恭懸州署乾隆二年大水得保無虞至今賴之祀
名宦延慶州志

王焯字景明陝西蒲州人雍正元年任永寧路都司治兵以
順為武以義為勇訓練之餘兼勸耕桑緝盜甚嚴盜竊潛蹤
幾於夜不閉戶延慶州志

章成義字宜甫江南江陰縣人膺鄉舉光緒八年知州事勤
政愛民肅清衙規一應錢文案件手自發落胥役無敢侵欺
州境東南隅之二道關屬昌平是處屢窩賊匪為州民害歷
任莫可如何公獨督率兵役躬往勦捕匪首郭某就擒邊境

得安居庸關南北四十餘里為通蒙古要路蠶叢崎嶇不便
交通稟准大憲設局鑿修三年始告竣行旅至今德之

潘青照字葵閣光緒十一年冬署州事訪悉貧民生女往往
溺棄不育公甚慘之創設育嬰堂州人因之感悟其風遂革
朱璋達字珊淵光緒二十七年夏六月署州事值聯軍蹂躪
之後教徒尋讎報復擾害無已為籌措賠款解釋宿忿民乃
得安又延慶每逢

陵寢要差例由州牧供應駝差二
十餘隻事竣仍將原駝領回畜牧久之書役徃徃藉以科派
民間至庚子遭變駝隻盡失公為稟請大憲 奏准歸併大